

SCRIPTA

Numéro Scripta : 3755

Auteur(s) : Philippe III le Hardi, France (roi)

Bénéficiaire(s) : Pierre Blondel, « civis » de Rouen [particulier]

Genre d'acte : charte

Authenticité : non suspect

Datation : 1271, juin

Lieu d'émission : Paris

Action juridique : autre

Langue du texte : latin

Analyse

Philippe [III], roi de France, cède à ferme à Pierre dit Blondel, habitant de la cité (civis) de Rouen, et à ses héritiers, pour la rente annuelle de sept livres tournois, un jardin du roi sis à Rouen.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Harde l (MSAN ; 16, 2e série, 6, p. 160-390), 1852, n° 807, p. 187-188.

Texte établi d'après a

Philippus, Dei gratia, Francorum Rex. Notum facimus universis tam presentibus quam futuris, quod nos Petro dicto Blondel, civi Rothomagensi, et ejus heredibus, ad firmam perpetuam tradidimus et concessimus, pro septem libris turonensium nobis et heredibus nostris annuatim persolvendis, medietate videlicet ad Pascha et alia medietate ad festum Sancti Michaelis, quoddam jardinum nostrum situm Rothomagi, extra portam de Goufrai, quod fuit quondam Fratrum Minorum Rothomagi, prout se comportat in longum et latum, ita quod si dictum jardinum, ut dictum est, ad firmam traditum, alicui in aliquo teneatur, dictus Petrus et heredes sui tenentur ad faciendum et reddendum ea que proinde debent fieri sive reddi, et pro predicta firma, ut dictum est, persolvenda, dictus Petrus in contraplegium posuit super domos suas prope dictum jardinum sexaginta solidos turonensium nobis et heredibus nostris una cum dicto jardino in perpetuum remansuros, si dictum Petrum vel heredes ipsius a contractu hujusmodi contingeret resilire. Quod ut ratum et stabile permaneat in futurum, presentibus litteris nostrum fecimus apponi sigillum. Actum Parisius anno Domini M° CC° septuagesimo primo, mense junio.